



Ассаламу аьлайкум, дустал

ХХЯХЖА БАРГЪ

Лакрал райондалул кказит. Ита бакьлай 96-сса шин.

12+

«ЗАРЯ»

Нюжмар
13 декабрь
2019 ш.

№ 51

www.zaria-online.ru
gazetazary@mail.ru

12 декабрь - Аьрасатнал Конституциялул кьини

Яла ларайсса, т1айланна ишла дайсса ЗАКОН

СССР бут1райх дарч1ун махъ сакин дурсса жагьилсса Аьрасатнал паччах1лугьрал ц1усса Конституция кьамул дурну дур 1993 шинал декабрьданул 12-ний. Конституция цирив чивчун бур муний цийва. Хьанай дур яла ларайсса юридический гуж бусса, т1айланна цурда ишла дан бюхъайсса акт. Юристуран к1улссар, вузраву лахъхьин буллаллини, юридический актру циняр ккаккан дайссар ца пирамида кунна, миц1лий - Конституция, яларай, ч1анулун гьан хьанакъиссаксса, паччах1лугьрал законну, кодексру, подзаконный актру, указру, х1укмурду, ведомствордал актру дусса.

Конституция яла лараймур закон дунугу, му гьарца ишираву, гьарца тагьарданий аьщун щуну кьараллу ккаккан дурсса инструкция бакьар. Мукунсса балжисса, аьщун щусса ккакканбавуртту дайссар яларайми юридический актирдай.

Конституция яла лараймур юридический акт духьукун, мунил т1иссар - циняр законнал аьркинсар Конституциялул т1алавшинну дуручлан. Конституциялул т1алавшинну диклан аьркинс-

сар т1айланна ишла бан шайсса яла хьхьич1унсса х1учардуну. Укунсса ара х1асул хьуншиврулли хьхьич1а-хьхьич1 аьркинмур - Конституция лахъхьин, к1улну



бик1ан вила буржру ва ихтиярдугу, влаьгьрал органнайн тапшур бумургу.

Укунсса шарт1ру шаллу шавугу кьагьассар, Конституция х1акьну ишла хьанакъисса, «зузисса» документ хьуншиврул. Муний чивчумур бак1уйн букланшиврул, аьркинссар мунийн чул бивжу- (Ургу 2 лаж.)

Агьалинал мурадирттах вич1идирхьуну

Ноябрьданул 27-ния 30 хьуннин «Единая Россия» партиялул Лаккуйсса отделениелул Политсоветрал члентурал Юсуп Мах1аммадовлул, Абакар Кьюннуевлул, Явсуна Х1амзаевлул, партиялул члентал Шяпи Щурпаевлул, Макьсуд Кьадиевлул, Амсар Кьажлаевлул кьамул бунни цала мурадиртташтал, тавакьюрда-

ниял Шавлукьов. Ми бия цахьхьунна, Гьумучиял шьраваллия архдакьа, шьраваллил хозяйстволул иширттаха ишла дансса, сельхозназначениялул аьрщи ижаралий дулаву тавакью буллай. Абакардул бувч1ин бунни мукунсса аьрщи торг дурну дулайшиву, маслих1ат бунни аукциондалий гьуртту хьун.



шчал бувк1сса райондалул агьалий, лалавсунни миннал мурадру, шайсса кумагру банмур бунни, бувч1ин баву дунни.

Масала, Абакар Кьюннуевлулч1ан бувк1ун бия Гьумук ялапар хьанакъисса Светлана Кьурбанова, Да-

Ч1урттациял СПК-лул председатель Сиражуттин Х1ажиевлул тавакью бия Лаккуй хьхьич1ра колхозрахь дирк1сса аьрщив махьуннай СПК-лукъхьун ижаралий дулаву, микку хьунмур ихтияргу СПК-лукъ (Ургу 2 лаж.)

Антитеррор

Гьунар - жямат цач1ун шавривур



Щардал шьраваллил администрациялул жамтиртташтал х1акьну дачин дурну дуссар террор-экстремизмалул идеологиялин кьарщисса, халкьуннал хушрайсса дружина аьркинсса куццуй зунсса, «Лакрал район» МР-

данул АТК-лул бувсса х1укмурду оьрмулуву биттур бансса давуртту ва шарт1ру.

Щардал шьравалу райондалий ца хьунмур шьравалуну ккалли дай. Мунил аьршарал дазурду дур Ккуллал райондалуштал, шьравух най бур Ккуллал райондалинсса, гихунмай Дербентлив биянсса ххуллу, шичча бачай ч1явусса автомашинартту, ххуллулсса.

Щардал шьраваллил администрациялул биялдаралу бур дянивмур даражалул школа, культуралул центр, библиотека, ФАП, почтрал отделение, мизит, ттучан.

Администрациялулун духлай дур 145 хозяйство. Мин-

нува мудар агьлу ялапар хьанакъисса 90. Сиях1рай бур 730 инсан, миннава мудар ялапар хьанакъими бур 230.

Федерл ххуллу шьравух бушиврул цинлархьхьусса кьулайшивуртту духьурчагу, администрациялул ххидуллай дур лич1лулшиврул давуртту, итталу битан жула бакъасса шьравух нанисса ххуллулсса, транспорт. Му бакъассагу контроль бавриву зах1матшиву дур ч1явусса жяматрал агьлу Сибирьнавун, билаятрал лич1и лич1исса к1анттурдайн пишакарталну лаглай бушиву. Ми шьравун буч1ай гьинттул 1-2 зуруйсса, лирч1мур ч1умал администрациялул итталу бакьар.

Вай х1учарду х1исавра-

вун лавсун, Щардал шьраваллил администрациялул дачин дуллалиссару террор-экстремизмалул идеология сукку кьахьунсса давуртту:

- администрациялул аьршарай диндалул экстремизм сукку хьун кьадитансса ххуллурду;

- мизитрал имамнаштал, рувх1анийсса идарартташтал гьанну зузаву;

- жагьилтурашталсса, дуклаки оьрч1ашталсса профилактикалул давуртту гужлан даву;

- бувч1ин баврил давуртту ххуйну дачин даву ва м.ц.

Райондалул администрациялулч1асса АТК-лул т1алавшиннайн бувсса куццуй, ч1явучин ххалшайсса к1анттай ларч1ун дуссар агитациялул материалу, баннерду, ишла дуллалиссару интернетрал кашив, социал сетьру. Амма администрациялулч1асса

сайт мудар зузи бан бюхълай бакьар х1адурсса специалист, технический кашив диялну дакьашиврин бувну.

Шьраву ч1ун-ч1умуй дуллалиссар ч1явучишталсса культуралул, бувч1ин баврил давуртту, хаснува байраннац1ун дарх1усса. Ххуйсса даражалий, ч1явучи х1ала бавкьуну дайссар спортрал соревнованияртту, турнирду, миллатрал ва диндалул байранну, ч1ун-ч1умуй шайссар дуклаки оьрч1ал нитти-буттахьашталсса батлавуртту, жяматрал хьунабакьавуртту.

Жямат лагма лагавансса ц1адансса ца давуну хьунни жяматрал фонд сакин баву. Мунийну хьхьич1унмай бан бюхълай бур агьалинал багьу-бизу, мюхтажнан кумаг баву, цинявннал мюнпат ласунсса объектру баву ва м.ц. (Ургу 2 лаж.)

Яла ларайсса, тлайланна ишла дайсса

ЗАКОН

(Дайдихъу 1 лаж.)
ну зула ихтиярду дуручлачи бан лахъхьин. Ва масъала щаллу шавриву тлурча яла хъунмур бияла бур судралмур властьрахъ. Судралли дуруччин, жан дакьин аьркинсса Конституциялул тлавланнаву.

Судрал властвраву яла хъхьичлунмур клану бугълагьиссар Конституциялул судрал. Агъаммур Закондали (Конституциялий чивчумур бувчин байссар Конституциялул судрал хлукмурдал. Мунин бувну, паччахлугърал ва муниципал къулгъчитурал, министерная мэрнайн, райондалул ва шярваллил баклчинан бияннин циняв къулгъчитурал, яни конституциялул тлавланнаву ишла дулланшиврул зузиминнал буржри, Конституциялий цийва чивчумур бакъасса, ми бувчин аьркинсса куцгу, законнацлун, подзаконный активдацлун дархлуну ми тлавланнаву ишла дансса куцгу клуну биклан. Конституциялувун «жан дакьайсса» каши - Конституциялул судри, мунил хлукмурдури.

Утти хласул хъанай бур суал циванни, чивчусса, хладурсса Конституция бунува, Конституциялул судрал хлукмурдайн му «хъюму» буллан, «бяххан» буллан, «гьарта» буллан? Шикку иш мунивури бусса, Конституциялул чагъарданыйсса чичру дакъасса, му чичрулувусса «рухлугу» дуссар. Му «рухл» хъанакъиссар чивчумунил къадру -къимат, мунил гъанулул чаруну

дирхъусса мяъна. Му мяъна чивчумуниву члалачли дайссар, амма щаллуну чичрулувун дакьин къабюхъайссар, инсаннал чурххаву мунал пикриду, асарду, Аллагна лирксса «рухл» щаллуну члаланкъадиклайсса кунна. Мисалдаран, Конституциялул хъхьичл -мукъуву (преамбула чивчусса «хъинбала», «тлайлашиву» тлисса мукъурттиву члалачли дан шайсарив азарахъул шиннардий инсаниятрал оьрмулул гъанулул чарттуну дирксса ми мукъурттил мяъна щаллуну? Мукун, Конституциялул чичрулул мукъурттивусса мяъна, гьарца иширацлун дархлуну, оьрмулул бутрацлун дакьин дурну, титин дайссар, аьч дайссар, куртл дайссар, авадан дайссар, миннуну «жан» дучлан дайссар Конституциялул судрал хлукмурдал.

Цуххин бюхъай, мукун «жан» дучлан дулла, Конституционный судрал политиктуран аьркинсса куцуйсса хлукмурдувагу къабуллантиссарив, Конституциялувун политика къадакълантиссарив, куну. Мунин жаваб укунсса хъанакъиссар. Конституциялул суд сакин бувсса муниатури, так праволул (закондалул) масъаларду ххалбигъланшиврул. Циняр законну Конституциялуцлун даркъусса диклаву ххалдигълай, ва судрал Агъаммур Закондалул ххуллийн дичлачиссар оьрмулувусса циняр арарду: социальный, полиикалул, культуралул ва м.ц. Яни, жяматравусса политикалул

оьрмулул масъаларду (бучла вуртту, митингу, демонстрациярду даву, властврал органнал дянивсса арарду ва м.ц., судрал властврал биялалий, Конституциялул ххуллийн бачин буллалиссар. Конституциялул судрал, мунин бувну, Конституция политикалуцлун дакьин къадуллалиссарча, политика Конституциялуцлун дакьин дуллалиссар. Конституциялий чивчумур баххана къабувну, хлакьинусса кьинилул къараллу судрал ххалдиргъуну, цила хлукмурдайн Агъаммур Закон гьартагу, балжигу, дурчингу дуллалиссар.

Бувчин аьркинссар укунсса за. Конституция политикалу аьркинсса куцуй даххана къадуллалаврил къарал муний чивчумунуцлуннир, мунил мяъналуцлун, гъанулул чарттацлун бавхлусса ишри. Мунин бувну, Конституциялул агъамшивугу, кьиматгу мунил асар Конституциялул судрал хлукмурдайхчин оьрмулувун, паччахлугърай, щала дуниялий хъанакъимунийн, дахханашивурттайн биян бавривури дусса. Мукунсса бияла Конституциялий чивчумур баххана баврийхчин баклуйн къабуккайссарча, му буруччаврийхчин, Агъаммур Закон биттур даврийхчин, мунивусса луртан члалачли даврийхчин, ялун личин даврийхчин баклуйн буккайссар.

Муниатури Конституция хъанакъисса тлайланна ишла дан бюхъайсса яла лараймур, Агъаммур Закон.

К.Кьурбанов.

Гьунар - жямат цачлун шавривур

(Дайдихъу 1 лаж.)

Ва иш, мукунма, экстремизм -терроризмалин къаршисса цлакьсса хлуччану хъунни.

Гьарца тарихийсса иширттацлун дархлусса байранну, батла вуртту дайссар щала жямат гьуртту хъуну, хлала -гьуртту. Жяматрал фондрал харжлугърацлукъ капиталныйну бакьин бувссар шяравусса клуб, мивун ларсэссар музыкалул къай-къуй, телевизор, кинопректор, члу байсса оборудование ва аьркинсса цаймигу затру. Мува фондрал харжлугърацлукъ шяраву бувссар савлугъру, хъатлив, мажлису бансса хъункъатта -500 инсан щяиклан шайсса.

Шярваллил администрациялул давриву хъунур къулагъас жагьилтурал, ялун нанисса никирал чулухуннайсса дуссар. Хаснува ва даву спортрайхчин, мунин клунклу баврийхчин дуллалиссару. Гъашину дурмур футболданий буккаврил райондалул турнир яххилчинмурди. Ми хас дару цала къуллугърал буржру биттур булла бунува къчагътурал лавмартну ливтлусса полициялул зузалтран. Вай давурттал хъунмур кици бур ми жагьилтурал цала сипталий дуллалаву.

Футболлай буккаврил турнирду лахъсса даражалий даваншиврул фондрал харжлугърацлукъ шяраву бувссар гьарца шартлур дурурчусса, ччимур даражалул соревнования дан шайсса стадион

- «Щара Арена».

Шиккусса турнирдай гьуртту шайссар Лакрал районнал дакъассагу цайми районнал, шагьурдал хъинну хладур хъусса командарттугу.

Хъуннасса дахлаву, контроль ва къулагъас дуссар шярваллил школалул чулухуннай. Цанчирча шикку дачин дан дур бацлаву дакъасса давуртту террорэкстремизмалул идеологиялин къаршинну.

Обалардащал талатаврил давурттаву хъунмаасса бияла бур полициянал участковый инспекторнахъ. Администрация цачлуну зузиссар мунащал. Участковый члунчлумуй хъунаакъай жяматрацал, жагьилтурацал, ххуйну дачин дурну ур профилактикалул даву.

Администрациялул къатраву личли бувну буссар полициялул участковыйнансса къатта. Цланасса заманнай экстремизм-терроризм щала билаятран, хлатта щала дунияллул буруккин бутлатисса нигъачлаву хъанай дур. Ми балардащал талатаврил къайдардугу личли -личлисса дур. Хлатта Щардал шярваллил администрациялул аьрщарай терроризм-экстремизмалул оьшивуртту сукку къархъунугу, щак бутлатисса ишру къавхъунугу, цукунчлав къабучлину бур личилулушиву, профилактикалул давуртту хлура дуллан дитан.

М.Ибрагьимов,

Щардал шярваллил администрациялул баклчи.

Агъалинал мурадиртта вичлидирхъуну

(Дайдихъу 1 лаж.)

духъукун. А.Кьюннубулл маслихлат бунни му тавакъярацал уккан Клулушацлрал шярваллил администрациялин. Миккун дулун СПКлул циксса ятту-гъаттара буссарив члалачли буллалисса отчет. Яла ми канаки баншиврулсса аьрщи дулун Клулушацлрал администрациялул.

Хлажиев Аьвдураллин цлур-клурулий увклун ия Гьумук хлачайсса щинал щаллушин дакъашиврия буслай.

Вичлидирхъуманал бувчин бунни му шпурттуву Ххюлузмату нанисса щин дакьин дулла бивклшиву. Цлана дузалну

душиву.

Явсупа Хламзаевлулчлан увклсса Щардал КДЦ-лул

лугърал каши дакъашиву буслай. Я.Хламзаевлул бияларалу тлайла бувккун-



директор Рагимов Альберт тавакъярай ия КДЦ клинттулнин хладур бансса харж-

ни официальныйса чагъар Щардал шярваллил администрациялин ва иширан

кумаг баву тлавл булла.

Гьунчлукъатлрал школалул директор **М.Кьушиев** увклун ия Гьунчлукъатлул буллалисса спортзалданул хлакьираву.

Бувсунни мунин хасъсса конкурс дуршиву, аукциондали подрядчик личли увшиву.

Гьумучиял школалул учительница Зумрут Махламмадовал тавакъя бияцинна «Почетный работник просвещения РФ» тлисса цла дулаврия.

Явсупанал бувчин бунни цукунсса журалул документру хладур бантиссарив.

Къадиев Макьсудлулчлан бувклсса Гьунчлукъатлрал, Кьубиял, Кьукуннал, Хьурхьрал СПК-рдал председательтурал шикаят бия цахъва бивклсса гьинттул ризкьилул букайс-

са зунтурду РД-лул хъуслил ва аьрщарал иширтталсса буллалисса министерстволул аукциондали бихълай бушиврия. Макьсудлул РДлул хлукуматраин гъан бунни официалсса чагъар, вай СПКрдахъхъун зунтурду ижаралий булаврил къутлив цлунил, аукцион къабувнува цлакь даву тавакъя буллалисса.

Махламмазагьид Хизиев тавакъярай ия Россельхозбанк-рая цала ларсун дирксса кредитирттал процентру лахъавринсса паччахлугърал субсидиялул кумаг баву тлавл дулла. Макьсудлул бувчин бунни цува Минсельхорайн му масъалалул хлакьираву хъирив уккантлививу.

Куматусса Махламмад Хласановлул мурад бия, цува цлуну хъанакъисса фермер ухъукун, мунин грант ларсунсса кумаг баву. Макьсудлул бувсунни му иширансса документру хладур бансса кумаг бантлививу.

ОВД дюъ дихълай бур

Байранну байраннуну личланшиврул

Ялун дирну дур Цусса 2020-мур шин. Цушинаву цлу-цусса тлиталарду, ххарившуртту члатий хуна дакъару жува Цусса шин. Бигъалагай гъантригу биялса бухьукун, дувай члявчищалсса, хаснува дуклаки оьрчлащалсса дялахъруду, шадлугъру. Гьарца цацлун баглай кланттай, ужагьиртгаву чюлу бару ттарлил мурхъру.

Амма ци дулларчагу личлушиву, нигъачлаву къадиклаву, байранну балардайн клура къадаянну занакьулу шаву чарабакъасса буржри каялушиву дуллалиминнал, нитибутгахъал, жаваб дулайминнал.

Лакрал ва Ккуллал райондалийсса халкъуннал, ялун буклминнал нигъачлаву дакъа Цушинал шадлугъру тлайла дуклаву мурадрай, МВД-лул «Лакский» МО-лул дачин дурну дуссар хасъсса давуртту. Жяматиртгаву низам, аьдлу-къадагъа дуруччинсса, террорданул актру къадансса, ялув бацлаврил ххуллурду ласлай буссар.

Цушинал гъантрай «Лакский» отделданул зузалт члурусса низамрай къуллугърал буржру биттур булантиссар.

Отделданий буллусса амрулин бунну, организациярдай контроль бансса, илданул низам дуруччаврил ялув бацлансса зузи группа цлакь буссар. Отделданий каялушиву дуллалиминнал щала гъантлий ва циняв гъантрай дежурства даврил график цлакь буссар. Сакин дурну дуссар низам дуруччаврин, нигъачлаву къадиклаврин



хасъсса данмунил аьмсса плангу.

Цушинал давуртту дай гъантрай гужлан дантиссар хасъсса агъамшиву дусса, оьрмулун чарабакъасса объектру буруччаврин. Мунищала мукунсса объектирдай каялушиву дуллалиминнал аьркинссар мюхчаншиву, ялув бацлаву хъиннура цлакь дан, террордания буруччаврил давуртту дан, личлулну бацлан.

Участкардайсса полициянал участковыйтурай дюъ дирхъуну дуссар цацлава сияхрайн лавсъсса инсантуращал аьркинсса давуртту дан, низам зий къадансса къайда дуруччин.

Гьарца цлушинал дялахърурду дуллалиминнал кланттацлун цлакь бунну буссар участковыйтал бакъассагу, начальникнал амрулий ккаккан бусса ПДН-далул инспектортал, оперуполномоченныйтал. Миннал хунабакъавуртту дантиссар каялушиву дуллалиминнащал, жаваб дулунминнащал, профилактикалул

давуртту дуллантиссар агъалинащал, хаснува балугъравун къабивминнащал ва м.ц.

Вай гъантрай хъиннура хъуннасса къулагъас дуллалиссару агъалинан бувчлин баврил, бакрай бацлан баврил давуртта, дуллантиссару миннащала хунабакъавуртту. Му ишираву жул зузалтран кумаг аьркинссар шяраваллал администрациярдай, каялушиву дуллалиминная, жяматийсса идартагъа.

Ляличинува хъуннасса бургаву дантиссар оьрчлугуртту хъанахъисса, концертру ккаккан дуллалиминнал кланттурдах.

Цушинал дялахъру дансса кланттудай, ми дайдишиннин, МЧС-рал вакилтуращал объектирдай пожар хъунна нигъачлаву дурув, хъурча цуксса хладуршин дурув ххалбигъавуртту дантиссар, хъирив лаянтиссару елкарду бишайни аьркинсса шартлугу дуруччуну дурув.

Миккура ххал дантиссар «пиротехника» ядаврил, ми даххаврил низам.

Тавакъю буллау ура кланттул цила каялушиву дай органнахъ хлукму бан плякъ учайсса, цуличлачисса, хласил, зарал хъун бюхъайсса, цлу лачлунсса задру даххан къадитан ттучаннай ва цайми кланттурдай.

Агъалинан бувчлин аьркинссар личлулшиву дуруччаву гьарца инсаннал багъайшиву.

М-Х1.Авлиев,
МВД-лул «Лакский» МО-лул начальникнал кланайма.

МЧС баян буллау бур

Пожардая буруччинсса къайдарду

Вана, жучланна дурххуннай Цусса, 2020-мур шингу. Му ххарину хунадакъайсса, гьарца идаралий, школалий зузими цацлун бавтлун, шадлугърал тагъарданилу дайсса байран дур.

Хаснува ххарину хуна дакъай Цушинал шадлугъру оьрчлал школарттай, оьрчлал багъирдаву, шай утренникру, тяхъавивуртту цацлун баглавуртту. Гьарца кланттайгу чюлу бувсса ттарлил мурхъ, Елка бишай, муний чирахъру лахъай.

Амма, вай циняр давуртту личлулшиву къадуруччуну, елка бишаврил мюхчаншиврул къараллу къадуруччуну дарча, бюхъай шадлугъру къумашиврин клура даян.

Цайми ялувбацлавурттащал гьарца кланттай, гьарца ишираву дуруччин аьркинссар пожар хъун къадитансса къайдарду, шартлугу, тлавшинну.

Гьарца агъалий, дуклаки оьрчлугу, зузалт бавтисса кланттай жаваб дулунсса ца хунама личлий увну иклан аьркинссар. Ми хъунмурчлин цивппа идарарттай, организациярдай каялушиву дуллалими хъанай бур. Шадлугъру, баглавуртту даннин хъхъичл миннал буржри гьарцагу къатта, лагма -ялттуса кланттурду, иш багъарча халкъ буккан байсса ххуллурду ххалбан, пожар хъунна ишвагу бакъарив хъирив лаян. Ду-

хъурча диялдакъавивуртту мугълат бакъа духлаган дан. Оьрчлащал дуллалисса давурттал ялув бацлан буржлувссар классрай каялушиву дуллалими, тарбиячиталгу.

Миннал цанма инструкци-ялул бувчлин баву дан пожардая, террордания буруччаврил къайдардая.

Шадлугъ дуллалисса къатлува буккансса 2 клантту биклан аьркинссар. Елкарду бишин цлакь бунну, миннуисса лампочкарду диклан 25 ВТ-раяр гуж къалавайсса.

Памма ишла бувсса яннарду, Дякъил ттаттал члери ва цайми цлулачлайсса задру цларая мюхчан хъунна, хасну обработагъ дурсса диклан аьркинссар.

Елкалий къабучиссар анаварну цлу лачлайсса игрушкарду, майлул чирахъру (свечкарду), бегаль цлурду, фейерверккру ишла дуллан.

Оьрчлугу пиротехнический затру ишла дуллалисса къабачлай. Мунияту миннал инструкциялий тлутимур бувчлин бан аьркинссар, къадагъа дишин плякъ учин дан къабучлисса кланттай плякъ учин даврий.

Барча хъуннав ялун дирсса Цусса шин. Ххарину ххуйну, апатлугу къавхъуну гъаннав Цушинал шадлугъру.

Бурувччуну бикляра цлу дагъаврия!

Н.Х1асанов,
ЕДДС-рал хунама.

Шавк1рав

Ниттихъал къини

Ванияр тлааьнсса, ванияр бусравсса къини цамур дувиву къаклулли. Цанчирча ва къини, яни щалагу дунияллул ниттихъал къини, яла жунма ххираминнал къини дунутлий.

Ниттихъал къини хаснува барча бувай циняв ниттихъул, лякълуву оьрчл бусса хъами.

Личли-личлисса била-ятирттай ва къини клицлагай личли -личлисса тарихирттай. Жучлара клицлагайссар гьарца шинал ноябрьданул махъра-махъмур алхлат къини.

26-мур ноябрьданий Шавк1уллал шяраваллил Аьрасатнал халкъуннал культуралул центрдануву, шадлугърал тагъарданилу, дуки -хлачлиялул чюлу бувсса ссупралух най дия ниттихъал къинилушчалс-

са барча бавуртту. Шадлугъ тиртлуна «ЦТКНР» данул директор Л.Р.Халиловал.

Цуксса жула оьрчлугу хъунни барчагу, жунма, ниттихъан ми муданмасса оьрчлугури, -тлий байбивхъуна ихтилат Л.Халиловал. Ниттихъан чла увкуна яла ххуйми тлиталарду.

Шавк1уллал шяраваллил администрациялул биялдаралусса ниттихъул барча бан оьвкуну бувчлун бия райондалул ЗАГС-рал хъунмур Изольда Х1ажиева. Ванал личли -личлисса бусалардайну ниттихъал ххирашиву, бусравшиву аьлтту дуруна.

Цала ниттихъул, амудадагъул барча бан бувчлун бия Шавк1уллал школалул дуклаки оьрчлугу. Миннал ниттихъул ххари бунна ше-ррдайну, балайрдайну, те-атрданул сценкалийну.

Гуртту хъунни ва давриву оьрчлал багъ «Солнышкалуву» вардиш хъанахъисса оьрчлугу. Шадлугърал ца тлааьнмур

бултану хуна жагъилсса амудадагъул хорданий балай учаву.

Шадлугърал авур хъинну-ра дуллау дия Н.Халиловул

увкусса хъарчирдайсса балайрдал, циняв хлала бувхсса къавтлавурттал.

Л.Р.Халилова,
«ЦТКНР»-лул директор.



Клулив вин Закон?

Давудулул агъанми буржирдава

Абрасатнал Захматрал кодексраву зузала даврия гъан уллай ухъурча (сокращение хьуну), даву дакъаминналса буллалисса центрдинин муния баян бан аьркинссар тисса хлучча бакъар. Амма «О занятости населения РФ» тисса закондалу му бан аьркинсса буржну ккаккан бувну бур. **Цири туну, му члумал бантисса? Цукун дантиссар центрдинисса баян баву?**

1991 шинал мартрал 19-ний итадаркьусса «О занятости населения в РФ» Федерал закондалул 2-мур статъялин бувну, цумур дунугу организация лакълай бухъурча, ягу цувалусса иш-базаранчинал даву дацлан дуллаи бухъурча, ягу организациялул штатрайсса зузалт чан буллаи бухъурча, ягу цала ишбазаранчишиву къадитлатисса инсантал бухъурча, даву -дувултрал идаралул чулуха, 2 зуруяр члал къабувну, чагъарданий чивчуну му чулухуннай дан пикрилийсса давурттая баян бан аьркинссар даву дакъултралсса буллалисса центрдинин.

Мунишала чагъарданий ккаккан бан аьркинссар сократить буллалисса, ягу цамур къуллугъраин даххана шин дуллалисса инсаннал къуллугъ, пиша, дуккаву, муначансса квалификациялул тлалавшинну, гъарца зузалан захматрал хлакь булаврил къяйда ва м.ц.

Агар штатрайсса зузалт чан бувну организациялия члявусса мурахас бан багълай бухъурча, шанма зуруяр члал къабувну муния баян бан аьркинссар центрдинин.

Закон «О занятости населения РФ» духъукун Захматрал законодательстволул ца праволул акт, цила Захматрал кодексрал буржлув буллаи бур Закон дуруччаву.

Зузала даврия штатру чан бувну ягу зузалтрал аьдад чан дурну мурахас увшиву бакъача, гъарца зузалащалсса захматрал къутлив лиян дан бюхъайшивури хъхъичлунмай баян бан аьркинсса даву дакъултралсса буллалисса центрдинин. Вай шартлру къадуруччирча, даврия гъан уллалисса зузала махъунай цала даврий цлакь айссар.

Мукунма давудулул аьркинссар цала зузала штатру чан бувну, ягу зузалтрал аьдад чан дурну укъан ан багълай бушиву, мунан баян бан укъан уллалисса къинилин бияннин клива зурул хъхъичла (тк. РФ ст.180. 2-мур бутла).

Мукунсса ххуллу ласласишиву зузалан чарабакъа баян бан аьркинссар давудулул чагъар чивчуну, муний къулбас дан увну, баян бувсса къини ккаккан дурну.

Агар зузала даврия мурахас аврил

хлукмурду бувну бухъурча комиссиялул, му члумал даврия мурахас антлманан ккаккан бан аьркинссар комиссиялул хлукму, мунахъхун булун хлукмулул выписка.

Ца экземпляр цацлава къабивтун, 2-мур зузалахъхун булун.

Агар зузала даву къадитан багълагъаврицлун бавхлусса документирттай къулбас дан инкар буллаи ухъурча, му члумал баян баврил чагъар гъан бан аьркинссар почтрайхчлин мунал шаппай, заказрайсса конвертаву. Мунишала сакин дан къулбас дан инкар шаврил акт.

Зузала чичрулийну цува даврия гъан ччай увшиву баян барча, захматрал къутли лиян дан бучлиссар клива барз хъуннинма. Мунан булун аьркинссар захматрал хлакьлил дянисса лагрулул, ялун ххисса компенсациягу. Мунил лагру хъарну дуссар зузала даврия мурахас хъанахъишиву баян бувну, мурахас аннин личисса члумуя.

Зузалахъхун цува даврия гъан уллаливрий баян буллалисса чагъар булуннин, агар цамур даву дуккарча, 2 зурул мутталий давудулул баян бан аьркинссар цацлара ци даву дуссарив (вакансия). Микку хлисавравун ласун аьркинссар зузала квалификация (пиша). **ЦЗН**

Цуллу-сагъшиву

Райондалул азархана - ххуйсса ххуттай

Дагъусттаннал Цуллу-сагъшиву дуруччаврил министерстволул Жяматийсса советрал ирглийсса заседаниелий гьуртту хъунни министр Жамалуттин Хлажибрагъимовгу. Ххал бивгъунни азарханарду, хаснува онкологиялул азархана дарурттал дузал баврил масъалагу.

Дагъусттаннал Жяматийсса палаталул член, ялув клицл лавгсса Жяматийсса советрал председател Илман Аьлипулатовлул медициналул даву гъаз дансса цаппара чаранная бувсунни.

Жяматийсса советрал член-тал члун-члумуй бияйсса бур районнайсса медициналул идарарттайнгу, клани-клантурдай цукунсса тагъар дурув ккаккан. Укунсса аьрххилий Лакрал райондалул централ азарханалийн багъсса вай кликкусса ххуйсса тагъарданул, низамрал ххари бувнав тлий бур. Кланттул агьлу бакъассагу, райондалий зузисса хлакитурал цларду дургъуну, хъин хъанан кликкун бучлайсса бур цайми районная ва шагъурдая ва хлатта республикалул къатлатугума. Къашайшалтравух бия тлий бур Азирбижаннава бувклсса къашайшалтгума. Даруртту бия, аьркинмунил дузалну бия, марцшиву дия, низам дия тлий бур.

«Илчи»

ПОДПИСКА

«Ххяххабаргъ» - архлал цлу-ччатл бувкусса дувс!

Зун аьркинну урив за клулсса

маслихлатчи?

Зун аьркинну урив аькълу бусса

насихлатчи?

Зун аьркинну урив даклнийхтунусса

ихтилатчи?

Чичара «Ххяххабаргъ» кказит!

Райондалий ва шярваллай, идарарттай каялушиву дуллалиминнан зул члу баянтлиссар так «Ххяххабургъийхчлин». Райондалийсса оьрмулия ва хлукмурдая, цлушинная ва диялдакъашивурттая, гъарца ишираву аьркинсса законная ва хлукмурдая, ветерантурая ва жагъилсса никирая, образованиелия ва медициналия, пенсиярттая ва социальный масъаларттая, культуралия, спорттая ва исламрая зун клул хъанантлиссар «Ххяххабургъил» лажинтирттай.

Кказитрал дачли шинайсса багъа:

-почталий чичирча -234 къуруш.

Цлусса клия гъалмахчунаял ччянияцлавасса ца дувс хъинссар. Мукунсса дувс - «Ххяххабаргъри».

Учредитель:
Администрация
МР «Лакский район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М.-Р. Абакаров

Адрес редакции, издателя:
368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 702 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность о объективность представленных для публикации материалов.